

F 133 /
1928 L

34/05/ მათლუჯარვთ ევლა ქვენება, მეუთღით

L-29. .

საქართველოს
დემოკრატიული
რესპუბლიკის

საქართველოს ს.ს.რ.



საბჭ. რესპუბლიკის

მუშათა და გლეხთა მთავრობის

კანონთა და განკარგულებათა კრებული

1928 წ.

იუსტიციის სახალხო კომისარიატის განყოფილება

1928 წ. დეკემბრის 29

№ 5

ნაწილი მეორე

შ ი ნ ა ა რ ს ი:

სახალხო კომისართა საბჭოს განკარგულებანი.

18. ინსტრუქცია—ქალაქის მიწის ფარგლებში ტრანსპორტისათვის გადაცემული მიწების რეგისტრაციის წარმოების შესახებ.

იუსტიციის და ჯანმრთელობის სახალხო კომისარიატების განკარგულებანი.

19. ინსტრუქცია—„სოფლად მომუშავე საექიმო პერსონალის უფლება-მოვალეობა“.

ა/კ. ვაჭრობის სახკომის რწმუნებულის განკარგულებანი.

20. დადგენილება № 23-142—[გამომცემარ პურზე საცალო ფასების დაწესების შესახებ].

21. დადგენილება № 24-143—ცხერის ხორცზე ფასების დაწესების შესახებ.

საქართველოს კანონმდებლის
მთავრობის განკარგულება



საქართველოს
კომუნისტური
პარტია

სახალხო კომისართა საბჭოს განკარგულებაში.

დამტკიცებულია სსრ სახალხო კომისართა საბჭოს
მიერ 1928 წ. აგვისტოს 7-ს (ოქმი № 19, § 15).

სსრ სახ. კომისართა საბჭოს საქმეთა-
მმართველის მოადგილე ს. ს. ტ. ვ. დ. ა. ნ. ი. ი.

✓

18. ი ნ ს ტ რ უ ქ ც ი ა

ქალაქის მიჯნის ფარგლებში ტრანსპორტისათვის გადაცემული მიწების რეგისტრაციის წარმოების შესახებ.

(საადგილმამულო ინჟინტარის შედგენა).

1. ზოგადი დებულებანი.

§ 1. ყველა, გამ იუნაკლისად, მიწა და წყლის სიერკე, რაც ქალაქის მიჯნის ფარგლებშია და ტრანსპორტის გამგებლობაში ირიცხება, რეგისტრაციაში უნდა იყოს.

§ 2. 1-ლ მუხლში აღნიშნული მიწების საადგილ-მამულო რეგისტრაცია გულისხმობს ქალაქის მიჯნის ფარგლებში ტრანსპორტისათვის გადაცემული ყველა, გამოუნაკლისად, მიწის ნაკვეთისა და წყლის სიერკის უფლებბრივი, სამეურნეო და ბუნებრივი მდგომარეობის შესახებ სწორი და თანამედროვეობასთან შეთანხმებული ცნობების შეკრებასა და დაცვას სისტემატიური და გარკვეული სახით.

§ 3. საადგილ-მამულო რეგისტრაცია არის ძირითადი და მიმდინარე.

§ 4. ძირითად რეგისტრაციას შეადგენს თავდაპირველი სრული გამოკრევა მიწის ნაკვეთებისა, მათი გაზომვა და გეგმებისა და აღწერის შედგენა, რაც განსაზღვრავს მიწის ნაკვეთების ადგილმდებარეობას და აგრეთვე მათ უფლებბრივ, სამეურნეო და ბუნებრივ მდგომარეობას.

§ 5. მიმდინარე რეგისტრაციის მიზანს შეადგენს სარეგისტრაციო დოკუმენტებში თავის დროზე შეტანა ყველა იმ ცვლილებისა, რაც მიწის ნაკვეთების ძირითადი რეგისტრაციის დროს აღნიშნულ უფლებბრივ სამეურნეო და ბუნებრივ მდგომარეობაში შემდგომ მოხდება.

§ 6. ძირითადი და მიმდინარე რეგისტრაციის წარმოება ქალაქის მიჯნის ფარგლებში და ამ რეგისტრაციის თანამედროვეობის დონეზე დაყენება დაეკისრება სათანადო ქალაქის საბჭოს, რომელიც ეწყევა კანონიერ პასუხისმგებლობას რეგისტრაციის აქტებში და გაკემულ ამონაწერებში შეტანილი ცნობების სისწორისათვის.



§ 7. ცნობა, რაც შეტანილია არსებული წესისამებრ დამტკიცებულ საარქიტექტურულ გისტრაციო დოკუმენტში და გაცემულ ამონაწერში, მიიღება ყველა დაწესებულებისა და პირის მიერ უდავო ცნობად, რამდენადაც ამის საწინააღმდეგო რამ არ იქნება დამტკიცებული სასამართლოს წესით.

2. საარქიტექტურო დოკუმენტები.

§ 8. საარქიტექტურო დოკუმენტებს შეადგენს:

ა. საერთო საარქიტექტო გეგმა, როგორც შენობიანი და თავისუფალი მიწის ნაკვეთებისა, ისე სააღნაგოდ ახლად დანიშნული (დაყოფილი) ნაკვეთებისა და აგრეთვე სხვა დანიშნულების მიწებისა ქალაქის დასასახლებელი ნაწილის ფარგლებში—მასშტაბით 1 : 500 ცალკე ფურცლებზე (ან 1 : 1.000);

ბ. თვითმული ნაკვეთის საინვენტარო აღწერა და გეგმა—მასშტაბით 1 : 500;

გ. საინვენტარო გეგმის რეესტრი: 1) ზოგადი მუშაობის წარმოების თანამიმდევრობის წესისამებრ; 2) სისტემატურის, რომელიც შეიცავს ტრანსპორტისათვის გადაცემული მიწების ნუსხას.

ყველა რეესტრს დაერთვის სააღნაგოდ წესით შედგენილი სია მიწის მოსარგებლეებისა იმ ნომრების აღნიშვნით, რაც საარქიტექტო გეგმაში და რეესტრში არის. რეესტრში აღინიშნება რეესტრაციის დრო და მიწის მოსარგებლისათვის საადგილ-მამულო ჩანაწერის მიცემა.

შენიშვნა. უკეთეს საჭირო იქნება ნაკვეთების კატეგორიების უფრო დაწვრილებით დაყოფა, შეიძლება შემოღებულ იქნეს დამატებითი რეესტრები, ვარდა ამა პარაგრაფის „გ“ პუნქტში აღნიშნულისა.

§ 9. საერთო საარქიტექტო გეგმა დასასახლებელი ნაწილისათვის შესდგება მთელი კვარტალების ან ჯგუფების მახედვით, რომელნიც დაეკავშირებული არიან მცირე კვარტალების კონფიგურაციის საერთო ხასიათით,—ცალკე ფურცლებზე.

§ 10. კვარტალების გეგმაში უნდა აღინიშნოს: მიწის თვითმული ნაკვეთის საზღვრები ცალ-ცალკე, მთელი კვარტალის და მისი შემადგენელი ნაკვეთების საზღვრის ხაზის სიგრძისა და საერთო სიგრძის რიცხვობრივი გამოხატულებით, აგრეთვე შენობები, ნაგებობა, მცენარეულობა, ჰეიბი და სხვა ნიშნები, რაც ნაკვეთის სიტუაციას და მისი ზედაპირის ხასიათს საზღვრავს.

ყველა გეგმები აღინიშნება ლიტერებით, ხოლო კვარტალები და ცალკე ნაკვეთები ხელახლად დაინომრება და შესდგება საერთო საკვარტალო გეგმა.

შენიშვნა. მიწის ნაკვეთები, რომელიც თავდაცვის მიზანთან არის დაკავშირებული და ცალკე შედგენილ სიაშია აღნიშნული, აუცილებლად რეესტრაციას ექვემდებარება უნდა იყოს მხოლოდ გარეგანი საზღვრების მიხედვით; შინაგანი შემადგენელი ნაწილების რეესტრაცია კი მოხდება სამხედრო და საზღვაო სახალხო კომისარიატის რწმუნებულთან შეთანხმებით.

§ 11. საინვენტარო აღწერილობა შესდგება ნაკვეთის უფლებრივი სამეურნეო და ბუნებრივი მდგომარეობის შესახებ ცნობების ადგილობრივ, შეკრების საშუალებით.



§ 12. რეესტრი შესდგება საინვენტარო აღწერილობისა და სარეგისტრაციო გეგმის ცნობების მიხედვით და წარმოადგენს ნაკვეთების კატეგორიზაციას. ზონარგაყრილ დაეთრებს გადასაკეცი ფურცლებით, რომელიც განიყოფება ორ ნაწილად: ერთზე მარცხენა გვერდზე გამოიხატება საერთო გეგმიდან ამოღებული თვითნებური ნაკვეთის ნახაზი სათანადო ნომრით და სათანადო გეგმის ნომრის აღნიშვნით, ხოლო მეორე — მარჯვენა გვერდზე აღნიშნება საჭირო სარეგისტრაციო ცნობები ამა თუ იმ ნაკვეთის შესახებ.

3. საშხადისი რეგისტრაციისათვის.

§ 13. ქალაქის მიწების ძირითადი რეგისტრაციისათვის ამა თუ იმ ადგილას სარეგისტრაციო მოქმედებათა შესრულებამდე სწარმოებს საშხადისი მუშაობის დასაწყებად. ეს საშხადისი მდგომარეობს შემდეგში:

ა) დაწესება ქალაქის მიწების იურიდიული საზღვრებისა (ქალაქის მიჯნისა) მიწათმოწყობის წესისამებრ.

შენიშვნა. იმ ქალაქში, სადაც ქალაქის მიჯნა საბოლოოდ დამტკიცებული არ არის, სარეგისტრაციო მუშაობა შეიძლება დაწყებულ იქნეს, მაგრამ იმ პირობით, რომ ეს მუშაობა არ შეეხოს იმ ნაკვეთებს რომლებიც მიწების გარეგან საზღვარს აკრავს, თუნდაც ეს საზღვარი უდავო იყოს.

ბ) შეკრეფა, სისტემატიზაცია, შემოწმება და შეფასება იმ საგეგმო მასალისა, რაც შეიძლება გამოყენებულ იქნეს რეგისტრაციის დროს.

შენიშვნა. ტექნიკურის მხრით ყველაზე უფრო სარწმუნო მასალას წარმოადგენს გეგმებისა და მიწის მოწყობის აქტების ჩვენება; მიწის შესახებ სხვადასხვა ვარიეტების დროს (დაგირავება, ყიდვა, გაყიდვა) შედგენილი გეგმა შეიძლება ჩაითვალოს დამაკმაყოფილებლად იმ ნაწილში, რაც შეეხება სანახების რაოდენობისა და თვისების აღნიშვნას, უკეთეს ეს სანახები დროის გარმელობაში ძალიან არ შეიცვალა; გეგმას, რომელიც შესდგება რაიმე სპეციალური მიზნით (საძიებლო, სამეურნეო, საინვენტარო და სხვ.) ჩვეულებრივად საკმაო სისწორე აქვს თავისი დანიშნულების ფარგლებში.

გ) მომზადება სათანადო იარაღებისა, სახაზავი მასალისა და სხვა ხელსაწყოსი, რაც მუშაობისათვის საჭიროა.

დ) დაწესება სარეგისტრაციო სამუშაოთა შესრულების საშუალებისა და აკრუთვე შედგენა ამ სამუშაოთა წარმოების ფინანსური ხარჯთაღრიცხვისა და ანგარიშისა.

§ 14. სამუშაოთა ანგარიშისა და მათი შეფასების საფუძვლებს შემოწმებებს კომუნალური მეურნეობის ადგილობრივი განყოფილება და დამტკიცებს სათანადო ქალაქის საბჭო.

§ 15. მუშაობის გეგმა და რეგისტრაციის წარმოების ხარჯთაღრიცხვა განიხილება ქალაქის საადგილ-მამულო განყოფილებაში, საფინანსო განყოფილების წარმომადგენლის თანადასწრებით, და დამტკიცდება ქალაქის საბჭოს პრეზიდიუმის მიერ.

4. საეპისკოპოსო წარმომადგენლის

§ 16. საეპისკოპოსო წარმომადგენლის დაწესების შესახებ წინასწარ უნდა ეუწყოს სატრანსპორტო ორგანოებს პუბლიკაციის საშუალებით, და ეთხოვოს მათ დაესწრნენ მუშაობას და წარმოადგინონ რეგისტრაციისათვის საჭირო ცნობები; ხოლო რეგისტრაციის წარმოების დღისათვის ტეხნიკოსი მოიწვევს მათ თავის დროზე ცალკე უწყებების გაგზავნით.

§ 17. ტრანსპორტის წარმომადგენლის გამოუცხადებლობა არ შეაჩერებს რეგისტრაციის წარმოებას.

ტრანსპორტის წარმომადგენლის გამოუცხადებლობა აღინიშნება საინვენტარო აღწერილობაში.

§ 18. რეგისტრაციის წარმოების დროს სატრანსპორტო ორგანო ვალდებულია წარადგინოს მის განკარგულებაში ქონებული დოკუმენტები ნაკვეთების სარგებლობის უფლების შესახებ.

§ 19. რეგისტრაცია სწარმოებს ცალკე ნაკვეთების მიხედვით. თვითეული ნაკვეთისათვის უნდა შესდგეს ცალკე აღწერილობა, თანახმად ამა ინსტრუქციის მე-11 პარაგრაფისა. აღწერილობას ხელი უნდა მოაწეროს გამოკვლევის მწარმოებელმა პირმა და ტრანსპორტის წარმომადგენელმა.

§ 20. ცალკე ნაკვეთად იგულისხმება მიწის ყოველი სივრცე ცალკე საზღვრებით, რომელი საზღვრებიც ყოველის მხრით გამოჰყოფს ამ სივრცეს იეზობელ ნაკვეთისაგან.

ა) ყოველი ცალკე ქუჩა, სივრცე, წყლის ნაპირი და საერთო სარგებლობის სხვა ადგილი ჩაითვლება ცალკე ნაკვეთად.

ბ) წყლის სივრცე: მდინარე, ტბა და გუბე, უკეთუ იგი არ შედის, როგორც შემადგენელი ნაწილი, ამა თუ იმ ნაკვეთის ფარგლებში, ჩაითვლება ცალკე ნაკვეთად; ამასთანავე თევზის საჭერი სანახები ცალკე უნდა აღინიშნოს.

§ 21. რეგისტრაციის დროს საზღვრისა ან ნაკვეთის სარგებლობის უფლების შესახებ აღძრული დავა, უკეთუ ეს დავა ადგილობრივ ვერ გადაწყდება, — არ შეაჩერებს რეგისტრაციას, ხოლო საეპისკოპოსო დოკუმენტებში აღინიშნება — რაში მდგომარეობს დავის შინაარსი, თვით ნაკვეთი კი გადაიღება გეგმაზე ფაქტიური საზღვრების მიხედვით და სადაო საზღვრების ზაზის აღნიშვნით.

რეგისტრაციის დროს აღძრული ყველა სადაო საქმე გადაეცემა განსახილველად სახალხო სასამართლოს ან კომუნალური მეურნეობის ორგანოებს.

შენიშვნა. რეგისტრაციის პროცესის დროს აღძრული ყველა დავა ქალაქის მოჯინის შესახებ გადაწყდება საერთო წესისამებრ.

§ 22. ადგილობრივ შეკრებილი საეპისკოპოსო ცნობები, გეგმა და აღწერილობა შემოწმებულ უნდა იქნეს და შედარებული არსებულ გეგმებთან, საიჯარო ხელშეკრულებებთან და სხვა დოკუმენტებთან ნაკვეთების ოდენობისა, მათი საზღვრების მდებარეობისა, მიწათსარგებლობის კანონიერებისა და მიწათმოსარგებლეთა სახელწოდების მხრით და უნდა გაუეთდეს სათანადო წარწერა.



§ 23. ტრანსპორტის ორგანოს უფლება ეძლევა ორი კვირის განმავლობაში იმ დღიდან, რა დღესაც მის სარგებლობაში ქონებული მიწის ნაკვეთის ადგილობრივ გამოკვლევას დამთავრდება, — წარუდგინოს კომუნალური მეურნეობის ორგანოს დასაბუთებული განცხადება და საჩივარი არასწორი სარეგისტრაციო მოქმედებით ტრანსპორტის ინტერესების დარღვევის შესახებ.

§ 24. მიღებული განცხადება განიხილება კომუნალური მეურნეობის ორგანოების მიერ და გადაწყდება თანახმად ამა ინსტრუქციის 22 §-ისა.

შენიშვნა. რეგისტრაციამწილი ნაკვეთის სივრცის განსხვავება იმავ ნაკვეთის იმ ოდენობასთან, რაც ნაჩვენებია სხვა დოკუმენტებში — საიჯარო ხელშეკრულებაში, აქტში, გეგმაში და სხვა, რომელი განსხვავებაც წინანდელი დოკუმენტებისა და ხელშეკრულების პირობების შეცვლის საფუძვლად ვერ გახდება, — დაწესდება ქალაქის დასასახლებელი ნაწილისათვის 1⁰/₆-მდე, ხოლო ქალაქის სხვა მიწებისათვის — 5⁰/₆-მდე.

§ 25. საბოლოოდ შედგენილ გეგმას და აღწერილობას დამტკიცებს ქალაქის საბჭოს პრეზიდიუმთან არსებული განსაკუთრებული კომისია, რომლის თავმჯდომარედ არის საბჭოს პრეზიდიუმის წევრი და რომლის შედგენილობაშიც შედიან კომუნალური მეურნეობის ადგილობრივი ორგანოებისა, საფინანსო განყოფილებებისა და მუშათა წარმომადგენელი.

§ 26. გეგმისა და აღწერილობის დამტკიცების შემდეგ, მათში აღნიშნული თვითთელი ნაკვეთი ჩაიწერება სათანადო სარეგისტრო დავთარში.

§ 27. სარეგისტრაციო გეგმებისა და აქტების დამტკიცებისა და მათში მოთავსებული ცნობების სარეგისტრო დავთარში შეტანის შემდეგ, ძირითადი რეგისტრაცია ჩაითვლება დამთავრებულად და სარეგისტრაციო ცნობები კი სარწმუნო და უდავო ცნობებად.

5. საადგილ-მამულო საბუთების გაპყება.

§ 28. ქალაქის მიწის ნაკვეთების სარგებლობისათვის წინათ არსებული ყველა ფორმის დოკუმენტების მაგიერ ტრანსპორტის ორგანოებს მიეცემათ ახალი ერთიანი დოკუმენტი — საადგილ-მამულო საბუთი (დანართი № 3).

§ 29. საადგილ-მამულო საბუთის გაცემის დროს ეს უკანასკნელი შეიტანება სარეგისტრაციო ორგანოს გასული საბუთების განსაკუთრებულ ჟურნალში რიგის ნომრით.

იუსტიციის, შრომის და ჯანმრთელობის სახალხო კომისარიატების განკარგულებანი.

ციკკულარულად

19. სოფლად მომუშავე სამკომო პერსონალის უზღება- მოვალეობა.

უველა მაზრის ჯანმრთელობის განყოფილებას, ასლი ავტონომიურ რესპუბ-
 ლიკების ჯან. სახ. კომისარიატების, ხაქ. წითელი ჯვრის საზოგადოებას, ა/კ.
 რკინის გზის ჯანმრთელობის განყოფილებას.

ი ნ ს ტ რ უ ქ ც ი ა

(შედგენილია თანახმად მე-8 მუხლისა ს.ს.ს.რ. სახკომსაბჭოს 15 ივნისის 1927 წ.
 (კანონთა კრებ. № 6) დადგენილებებისა „სოფლის საექიმო დახმარებით უზრუნველ-
 ყოფის და სოფლად მომუშავე მედპერსონალის მატერიალურ მდგომარეობის და
 ყოფა-ცხოვრების გაუმჯობესების შესახებ“).

1. ე ქ ი მ ე ბ ი.

1. სოფლის სამკურნალო დაწესებულების ექიმს თანამდებობაზე დანიშნავს,
 ერთი ადგილიდან მეორეზე გადაიყვანს და სამსახურიდან დაითხოვს მაზრის ჯან-
 განყოფილება დაინტერესებულ თემალმასკომთან შეთანხმებით და კავშირისთვის
 ცნობის გაგზავნით თანახმად შრომის კანონთა კოდექსისა.

შენიშვნა. სოფლის ექიმის თანამდებობაზე დანიშნავს, გადაიყვანას
 და დაითხოვს თან დაკავშირებული უთანხმოება გადაეცემა ჯანმრთელო-
 ბის ზედა საუბეურის ორგანოს და კავშირს გადასაწყვეტად მომქმედი
 კანონმდებლობის მიხედვით.

2. სოფლის სამკურნალო დაწესებულების გამგე ექიმი მკიდრო კავშირს იტერს
 ადგილობრივ საბჭოთა და საზოგადოებრივ ორგანიზაციებთან მათ მუშაობაში
 მონაწილეობის მიღებით. იგი პასუხისმგებელია მისდამი რწმუნებული დაწესებუ-
 ლებების სამეურნეო, სამკურნალო და სანიტარული საქმის სათანადოდ დაყენე-
 ბისათვის, მასვე ემორჩილება მთელი პერსონალი.

შენიშვნა. უმცროს პერსონალს დანიშნავს თვით ექიმი, სამკურნეო
 ნაწილის გამგეს დანიშნავს ექიმი თემალმასკომთან შეთანხმებით. საშუალო
 მედპერსონალის დანიშნავს-დაითხოვს წესი გათვალისწინებულია ამა ინსტ-
 რუქციის მე-11 თავში.

3. სოფლის სამკურნალო დაწესებულების გამგე ექიმი: ა) აწესებს სამკურ-
 ნალო დაწესებულების შინა წესრიგს.

შენიშვნა. შინაწესრიგს ექიმი შეიმუშავებს, ჯანმრთელობის დაცვის
 ზედა საუბეურის ორგანოს ინსტრუქციის თანახმად პროუკავშირის ადგი-
 ლობრივი განყოფილების წარმომადგენელთან ერთად. ეს წესრიგი დამტ-



კიცდება შრომის ინსპექტორის მიერ (იხ. მუხ. 54 შრომის კანონის 199-ე მუხლი).

ბ) ანაწილებს, შინა წესრიგის მიხედვით, სამუშაოს საექიმო სასანიტარო და სამეურნეო პერსონალს შორის, კონტროლს უწევს მათ მუშაობას და თვალყურს ადევნებს მათ მიერ თავისი მოვალეობის სისწორით შესრულებას.

✓გ) პასუხს აგებს, კანონის თანახმად, იმისათვის, რომ სამკურნალო დაწესებულების საექიმო და სამეურნეო ქონება უკლებლივ და სათანადოდ ინახებოდეს.

დ) განაგებს კრედიტებს, თვალყურს ადევნებს საექიმო, სამეურნეო და საფინანსო ანგარიშგებას, ადგენს ავადმყოფთა შესანახ ხარჯთაღრიცხვებს და ღებულობს მონაწილეობას სათანადო ინსტიტუტებში ამ ხარჯთაღრიცხვების გატარების დროს.

ე) წარადგენს პერიოდულ და ვადიან ანგარიშებს, მოხსენებებს და სხვა ცნობებს თანახმად არსებულ წესებისა და აგრეთვე აღმასრულებელი კომიტეტის ჯანმრთელობის დაცვის განყოფილების, მოკვლევის, გამოძიების და სასამართლოს ორგანოთა ცალკე მოთხოვნით.

4. აწარმოებს რა თავის საექიმო მუშაობას პროფილაქტიური მიმართულებით სოფლიდ მომუშავე ექიმში:

ა) ხელმძღვანელობს თემის სანიტარულ საბჭოს მუშაობას.

ბ) თვალყურს ადევნებს ეპიდემიურ, სოციალურ და ყოფა-ცხოვრებასთან დაკავშირებულ და პროფესიონალურ ავადმყოფობათა გაჩენას და მიმდინარეობას, იკვლევს მათი გარენის მიზეზებს, იღებს ღონისძიებას მათი თავიდან ასაცილებლად და მონაწილეობას იღებს მათთან ბრძოლის საქმეში სანიტარულ ექიმთან შეთანხმებით; გარდა ამისა იგი მონაწილეობს საერთო გამაჯანსაღებელ და ეპიდემიასთან საბრძოლველ ღონისძიებათა ორგანიზაციაში და მათ განხორციელებაში, როგორცაა: აკრის კამპანია, გადამდებ სნეულებათა კერების გამოკვლევა, მეთვალყურეობის გაწევა ბინების მდგომარეობისა, საერთო სარგებლობის ადგილებისა, წყლის მიწოდებელი წყაროების, სურსათ-საწვავის მომზადების, შენახვის და გასაღების ადგილებისათვის და სხვ.

შენიშვნა. პროფესიონალური მოწამელის ან ავადმყოფობის ყოველი ცალკე შემთხვევა ექიმში მოვალეა, თუ ამ მოვლენას მასიური ხასიათი არა აქვს, არა უგვიანეს 7 დღისა, ხოლო თუ მასიური ხასიათი აქვს დაუყოვნებლივ, აცნობოს სამაზრო სასანიტარო ინსპექციას, იქ კი, სადაც ასეთი არ არის—შრომის ინსპექციას.

გ) აწყობს და ცხოვრებაში ატარებს პროფილაქტიურ ღონისძიებებს სასანიტარო სწავლა-განათლების გავრცელებით, დედათა, შეიღოთა და ბავშვთა დაცვით და სხვა, თანახმად ჯანმრთელობის დაცვის ორგანოთა ინსტრუქციებისა.

5. სოფლის მოსახლეობისათვის საექიმო დახმარების აღმოჩენის მხრივ სოფლად მომუშავე ექიმში ვალდებულია: ა) ყოველდღე, გარდა უქმე და გამოსასვლელი დღეებისა, მიიღოს საექიმო პუნქტებზე ამბულატორიული ავადმყოფები. ამასთანავე ავადმყოფთა ჩაწერის და მიღების დრო მტკიცეთ განისაზღვრება სოფლის ექიმის და თემალმასკომის ურთიერთ შეთანხმებით.

შენიშვნა 1. უკმე და გამოსასვლელ დღეს და აგრეთვე მუშაობისგან თავისუფალ საათებში ექიმს უფლება აქვს წავიდეს პუნქტიდან, მაგრამ ვალდებულია სამკურნალო დაწესებულებაში დასტოვოს ცნობა, თუ სად იქნება იგი. ეს იმ შემთხვევისათვის, თუ საჭირო გახდება მისი სასწრაფოდ გამოწვევა.

შენიშვნა 2. ამბულატორიული მიღების საათების რიცხვი ისეთი ექიმისათვის, რომელიც სტაციონარს არ განაგებს, არ უნდა აღემატებოდეს 5-ს, ხოლო სტაციონარის გამგე 4-ს, რაც ვათვალისწინებული უნდა იქნეს შინა წესრიგით.

შენიშვნა 3. ისეთი ავადმყოფი, რომელსაც თავისი სწულულების გამო, ესაჭიროება სასწრაფო დახმარება, აგრეთვე მძიმე ავადმყოფები, მიიღებიან მიღებისათვის დანიშნული დროს გარეშეც.

ბ) სამკურნალო დაწესებულებაში ავადმყოფის მიღება-გამოწერა ხდება გამგე ექიმის განკარგულებით. უკეთეს სამკურნალოში რამოდენიმე სხვადასხვა სპეციალური განყოფილებაა, ავადმყოფთა მიღება-გამოწერა მოხდება სათანადო განყოფილების გამგის განკარგულებით.

გ) სოფლად მომუშავე ექიმი მოვალეა თავის უბნის ფარგლებში ბინაზე აღმოუჩინოს საექიმო დახმარება ისეთ ავადმყოფს, რომელსაც ესაჭიროება სასწრაფო, გადაუდებელი დახმარება და რომლის წაყვანა სამკურნალოში განსაცდელში ჩაადგებს მის სიცოცხლეს ან აშკარა ენებას მიაყენებს მის ჯანმრთელობას. ასეთი შემთხვევა: ა) პატალოგიური მშობიარობა, ბ) მოწამვლა, გ) სიცოცხლისათვის საშიში სისხლის დენა, დ) სიცოცხლისათვის საშიში მძიმე კრილობა, ე) ეპიდემიური სწულულების გაჩენა.

შენიშვნა 1. სამკურნალო დაწესებულების გამგე ექიმს უფლება ეძლევა, შემთხვევის და მიხედვით, ბინაზე დახმარების აღმოსაჩენად გაგზავნოს საშუალო მედპერსონალი.

შენიშვნა 2. ექიმი მოვალეა ავადმყოფის ბინაზე, თავისი საცხოვრებელი ადგილის გარეშე დახმარების აღმოსაჩენად წავიდეს მხოლოდ იმ შემთხვევაში, თუ მის განკარგულებაში იქნება მისვლა-მოსვლის რაიმე საშუალება.

6. ექიმი მოვალეა შეამოწმოს იმ პირთა ჯანმრთელობა და მისცეს ამის შესახებ დასკვნა, რომელთაც ამ მიზნით სამკურნალო დაწესებულებაში გამოგზავნიან მილიციის და იუსტიციის ორგანოები და აგრეთვე ამ უკანასკნელთა წინადადებით აწარმოონ გვამების სასამართლო-საექიმო გაკვეთა იმ შემთხვევაში, თუ მაზრაში არ იყოფება სასამართლო ექიმი და თუ მას ხელთ ექნება შესაფერი ინსტრუმენტი.

7. დღე და სათი სასამართლო-საექიმო შემოწმებისათვის დაწესდება მოკლევის ან გამოძიების ორგანოების და ექიმის შეთანხმებით.

შენიშვნა. ზემოაღნიშნულ წინადადებებზე გამოცხადება ექიმისთვის სავალდებულოა მხოლოდ თავისი უბნის ფარგლებში და მხოლოდ იმ შემთხვევაში, თუ მის განკარგულებაში იქნება მისვლა-მოსვლის საშუალება, და თუ თითოეულ წასვლისათვის მას მიეცემა გასამრჯელო თანახმად

ჯანმრთელობის და იუსტიციის სახ. კომისარიატების და სამედიცინო სასანიტარო შრომის მუშაკთა კავშირის ცენტრალური გამგეობის მიერ დაწესებული ნორმებისა.

8. სოფლად მომუშავე ექიმის მოვალეობას შეადგენს მოწმობის გაცემა ავადმყოფობის, სხეულის დაზიანების, მკურნალობის, დაბადების და სიკვდილის შესახებ ისეთ შემთხვევებში, რაც გათვალისწინებულია ჯანსაზღვრის კომისარიატის ინსტრუქციაში „საექიმო მოწმობების გაცემის წესის შესახებ“.

9. უოველგვარი გაუგებრობა, რასაც ადგილი ექნება ამა ინსტრუქციის შეფარდების დროს გადაეცემა გადასაკრეულად ჯანმრთელობის დაცვის ზედა საფეხურის ორგანოებს.

შრომის ურთიერთობის ნიადაგზე წარმოშობილი დავა უნდა განხილულ იქნას შრომის კანონთა კოდექსის თანახმად.

II. საშუალო სამედიცინო პერსონალი.

(ბებია ქალები, ექიმების თანაშემწეები და სამედიცინო დები)

1. სოფლის სამკურნალო დაწესებულების საშუალო სამედიცინო პერსონალს სამსახურში დანიშნავს, ერთი ადგილიდან მეორეზე გადაიყვანს და სამსახურიდან დაითხოვს მაზრის ჯანგანყოფილება სამკურნალო დაწესებულების გამგე-ექიმთან შეთანხმებით და მომქმედ შრომის კანონების და კოლექტიურ ხელშეკრულების მიხედვით.

შენიშვნა. საშუალო პერსონალის თანამდებობაზე დანიშნავსა, გადაყვანა-გადმოყვანასა და დათხოვნასთან დაკავშირებული უთანხმოება გადაეცემა მაზრის ჯანგანყოფილებას კავშირის სამაზრო განყოფილებასთან შეთანხმებით გადასაწყვეტად საერთო წესისამებრ.

2. საშუალო სამედიცინო პერსონალი უშუალოდ ემორჩილება სამკურნალო დაწესებულების გამგე-ექიმს, ასრულებს სამუშაოს მისი დავალებით, თანახმად შინა წესრიგისა.

3. საშუალო სამედიცინო პერსონალი, როგორც ექიმის თანაშემწე, მოვალეა მოუაროს ავადმყოფს, თვალყური ადევნოს საავადმყოფოში სისუფთავეს და წესრიგს, შეასრულოს ექიმის დავალებით და მისივე შეთვალყურებით სამკურნალო და სხვა სამუშაო, თანახმად შინა წესრიგისა.

4. იმ შემთხვევაში, თუ ექიმი ადგილზე არ იქნება, საშუალო პერსონალის ერთ-ერთი პირი შეიძლება დატოვებულ იქნას ექიმის მოადგილედ.

5. ბინაზე დახმარებისათვის გაწვეულ საშუალო სამედიცინო პერსონალს უნდა მიეცეს მისვლა-მოსვლის საშუალება.

6. უკეთეს საშუალო სამედიცინო პერსონალი განაგებს ისეთ პუნქტს, სადაც შტატით ან სხვა მიზეზით ექიმი არ არის, იგი ადმინისტრატულ და სამეურნეო საკითხებში ეთანაბრება სამკურნალო გამგე ექიმს, ხოლო თავის სამკურნალო მუშაობაში ზელმძღვანელობს ჯანსაზღვრის კომისარიატის და მის ორგანოების მიერ გამოცემული დებულებებით და ინსტრუქციებით.

7. წინა მუხლში აღნიშნული საშუალო პერსონალი, რომელსაც დაკისრებული აქვს პუნქტის გამგებლობა: ა) აწარმოებს საექიმო, სამეურნეო და საფე-

ნანსო ანგარიშგებას, წარადგენს, შემოღებული წესით და ფორმით პერიოდულ და ვადიან ანგარიშებს, მოხსენებებს და სხვა ცნობებს, ბ) თვალყურს ადევნებს ეპიდემიურ სნეულებათა გაჩენას, დაუყოვნებლივ აცნობებს ამგვარი სენის გაჩენას მასობრივ ჯანვანყოფილებას და იღებს მონაწილეობას მასთან ბრძოლაში.

ჯანმრთელობის სახალხო კომისარი—გრ. კუჭაიძე.

იუსტიციის სახალხო კომისარი—შ. მათიკაშვილი.

შრომის სახალხო კომისარი—ს. თოდრაძე.

1928 წ. აგვისტოს 14.

გამოქვეყნებულია ვაზ. „კომუნისტის“ 201 №-ში 1928 წ. აგვისტოს 30.

ს.კ. ვაჭრობის სახკომის რწმუნებულის განკარგულებაში.

20. დ ა დ გ ე ნ ი ლ ე ბ ა № 23 - 142.

ა-კ. ვაჭრობის სახკომის რწმუნებულისა საქართველოში.

10 ივლისი 1928 წელი.

შესაცვლელად ა.-კ. ვაჭრობის სახკომის რწმუნებულის სამმართველოს 1928 წლის იანვრის 28 დადგენილებითა № 9/128 ა.-კ. ვაჭრობის სახკომის რწმუნებული საქართველოში ადგენს:

§ 1.

დაწესებული იქნას გამომცემარ პურზე შემდეგი საზღვრითი საცალო ფასები კოოპერაციასთან, სახელმწიფო ვაჭრობის ორგანიზაციებისა და კერძო პირთათვის ქ. ტფილისში:

1 ხარისხის I კილოგრამზე 20 კაპ.

ერთი ხარისხიანი (შავი განსაკუთრებულ სტანდ.) 15 კაპ.

§ 2.

დაწესებულ იქნას ქართულ (თონის) პურზე საცალო ფასები ორი კაპეიკით მეტი თითო კილოგრამზე ხარისხების მიხედვით.

§ 3.

ქალ. ტფილისის აღმასკომთან არსებულ შინა-ვაჭრობის კომისიას ევალება ფხიზლად ადევნოს თვალ-ყური ამა დადგენილების ცხოვრებაში გატარებას.

§ 4.

ამა დადგენილების დამრღვევი პასუხისგებაში იქნებიან მიცემულნი თანხმად რესპუბლიკის სისხლის სამართლის კანონებისა.

§ 5.

დადგენილება ესე ძალაში შედის ა.-წ. 10 ივლისიდან.

ა.-კ. ვაქსაჩკომის რწმუნებული საქართველოში—ხაკიანი.

გამოქვეყნებულია ვაზ. „კომუნისტის“ 165 №-ში 1928 წ. ივლისის 18.

21. დადგენილება № 24—143.

ა.-კ. ვაჭრობის სახკომის აწმუნებულისა საქართველოში

15 ოქტომბერი, 1928 წ.

ცხვრის ხორცზე ფახების დაწესების შეხახებ.

თანახმად ა.-კ. ვაჭრობის სახალხო კომისარიატის ა.-წ. სექტემბრის 17 დადგენილებისა № 75 ა.-კ. ვაჭრობის სახკომის რწმუნებული საქართველოში აღგენს:

§ 1.

დაწესებულ იქნეს საბითუმო-საგასაცემო ფასი კოოპერაციისათვის ცხვრის ხორცზე 14 მან. 90 კაპ. ფუთი.

§ 2.

დაწესებულ იქნას ცხვრის ხორცზე საცალო ფასი 17 მან. 10 კაპ. ფუთი შემდეგი ანგარიშით:

ცხვრის დუმა—5,5 გირ.—60 კ. გ.	3 მ. 30 კ.
ხორცი—34,5 გირ.—40 კ. გ.	13 მ. 80 კ.
	<hr/>
	17 მ. 10 კ.

§ 3.

ცხვრის ხორცის საცალო ფასი დაწესებულ იქნას 1 მან. კილოგრამი.

§ 4.

ა.-კ. ვაჭრობის სახკომის რწმუნებულის წარმომადგენლებს რესპუბლიკებში) რომელნიც შედიან საქართველოს სოც. საბჭ. რესპულიკაში, და ყველა ადგილობრივი აღმასკომის შინავაჭრობის კომისიას ევალება ფხიზლად ადგენოს თვალყური ამა დადგენილების ცხოვრებაში გატარებას.

§ 5.

ამა დადგენილების დამრღვევენი პასუხისგებაში იქნებიან მიცემულნი თანახმად რესპუბლიკის სისხლის სამართლის კანონებისა.

§ 6.

აღნიშნული დადგენილება ძალაში შედის ა. წ. 18 სექტემბრიდან.

ა. კ. ვაჭრსახკომის რწმუნებული საქართველოში—საკიანი.

სასურსათო განყოფილების გამგე—აბეხაძე.